



Treinamentu Jestaun Sistema Informasaun Konaba Baze de Dadus iha ETDA Dili

PNDS

Hamutuk Ita
Dezenvolve nasaun

Maiu 2016

ST-PNDS Realiza Treinamentu Baze de Dadus ba MIS no Konstabilista Kona-ba Jestaun Sistema Informasaun (MIS)

Atu hadi'ak liu tan jestaun oinsá atu jere didi'ak dadus kona-ba asuntu sosiál, finansas nomos tékniku husi munisípiu 12 ho RAEOA ba implementasaun programa PNDS, sekretariadu Tékniku Programa Nasionál Dezenvolvimentu Suku (ST-PNDS) liu husi MIS (Management Information System) realiza treinamentu ba MIS no Konstabilista husi munisípiu 12 no RAEOA iha Etada Dili (02/052016).

Direktur Interino no Actual hanesan Chefe Unidade Administrasaun Finansa Programa PNDS Secundino Freitas Moreira, nu'udar diretora Interinu programa PNDS, iha ninia intervensaun hatete katak: Treinamentu ida ne'e importante tebes ba prosesu relatorio inklui finansas, oinsa bele entry data tuir Sistema MIS no aumenta tan MIS no Konstabilista sira nia abilidade liu-liu iha area Jestaun Sistema Informasaun (MIS), atu nune'e bele jere di'ak liu tan dadus kona-ba implementasaun programa iha ida-idak nia munisípiu.

Treinamentu ida ne'e hetan apresiasaun husi partisipante sira, tanba bele dezenvolve tan kapasidade iha area ida ne'e liu-liu atu jere dadus informasaun iha sistema ne'ebe estabesele ona husi MIS.

ST-PNDS Hala'o Workshop Trimestral 2016 ho Sociedade Cívil Hodi Introduz Progresu Implementasaun Programa PNDS iha Fongtil

Sorumutu ida ne'e hanesan atividade trimestral ho Sociedade Cívil sira, ho nia objetivu atu introduz progresu implementasaun Programa PNDS ne'ebé atinji ona durante ne'e, Sorumutu refere hala'o iha Salaun enkontru Fongtil, Caicoli-Dili (18/05/2016).

Iha abertura ba sorumutu nee, Diretór Ezekutivu Fongtil, Arsenio Pereira, hateten : "Programa Nasionál Dezenvolvimentu Suku hanesan programa komunitáriu ne'ebé sai hanesan exemplar ba programa hotu ne'ebé governu halo, tanba programa nee hahú husi ninia planu, deside prioridade, to'o implementasaun comunidade sira mak implementa rasik." Tanba nee, nia sujere atu programa dezenvolvimentu hotu ne'ebé governu implementa iha baze presija banati tuir mata dalan ne'ebé PNDS utiliza, hodi nune'e bele fo oportunidade ba comunidade hotu atu bele partisipa iha prosesu dezenvolvimentu nasional.

Tanba pratikas dezenvolvimentu hanesan PNDS mak prosesu dezenvolvimentu ne'ebe hahu husi kraik.

Progresu

Pilotu: Remata ona

Faze 1: Remata ona

Faze 2: Etapa 12

- Enkontru Akontabilidade Final, Auditoria & Evaluasaun.

Faze 3: Etapa 11/12

- Finaliza Konstrusaun
- Enkontru Akontabilidade Final


Faze 1 Siklu 2 : Etapa 9

- Tama Prosesu Transferensia Fundus Infraestrutura




Prioridade sira Iha Nasional

Faze II



Faze III



Ekipa ST-PNDS Halaó Aktividade Suku Vijita Malu Iha Municipiu Baucau Suku Samalari

Programa suku vijita malu ba premeiru iha tinan 2016 ne'e hanesan aktividade estudus komparativu ne'ebe hala'o iha suku. aktividade ne'e nudar meus ida ne'beé Sekretariadu Tekniku Programa Nasional Dezenvolvimentu Suku apoiu husi parseirus hanesan CARDNO hodi fasilita Ekipa Jestaun Suku, entre suku ida ho suku hodi fahe esperensia no istoria susesu ba malu kona-ba implementasaun Programa Nasional Dezenvolvimentu Suku. Programa Suku Vijita malu ne'e hala'o lora ida iha Suku Samalari, Municipiu Baucau (21/03/2016).

Objektivu husi aktividade ne'e atu fo Oportunidade ba Suco atu fahe esperensia no aprende hamutuk liu husi sira nian esperensia, Hametin relasaun no koordenaun entre Suco no ho ajensia relevante seluk iha nivel Munisipiu no Posto Adminitrativu no espera katak Depois de programa ne'e participantes sira bele aprende lisaun no esperensia husi Suco uma nain, hodi sai hanesan referensia ba sira atu hadiak liu tan implementasaun programa PNDS iha sira nia Suco.

Aktividade programa suku visita malu ne'ebé hala'o iha municipiu Baucau suku Samalari ne'e hanesan aktividade ba premeiru iha tinan 2016 ne'ebé participante mai husi Administrador Posto husi Municipiu 3 hanesan Baucau, Viqueque, Lautem, Chefe Suco, Presidente KPA, Chefe EIP, FSPA, FTPA, FST, Asesor, no comunidade suku Samalari.



Fasilitador Tékniku PNDS Postu Administrativu tuir Treinamentu Planeamentu no Jestaun Obra

Planeamentu no jestaun obra ba projetu Sistema bee mos hodi instala Sistema bomba bee elétriku mak sai hanesan matéria prinsipal ba treinamentu fasilitador tékniku postu Administrativu sira, iha centru treinamentu Tibar (23/05/2016).

Iha abertura ba treinamentu, Diretora INDIMO, Isabel Fernandes de Lima ne'ebé representa Sekretáriu Estado SEFOPE, hatete iha nivel Edukasaun Fasilitador tékniku sira balun akaba sira nia estudu iha enjeñeiru, maibé treinamentu espesífiku hanesan nee importante ba sira atu bele continua kapasita no ajusta sira nia koñesimentu ho mudansa ne'ebé iha atu nune'e bele hala'o knar nudar funsionáriu públiku ho profesional no kualidade.

Diretora PNDS, Dulce Guterres Junior iha nia intervensaun hatete depois de remata treinamentu Fasilitador sira tenke foti asaun hodi aplika matenek ne'ebé hetan, tanba nee tenke aproveita oportunidade ne'ebé iha hodi bele aumenta koñesimentu kona-ba oinsá halo planeamentu no jestaun ba implementasaun projetu iha terrenu. Entretantu Diretór Nasionál Formasaun Profissional husi SEFOPE, Iginio Ferreira hatete katak, nudar funsionáriu presija elava koñesimentu atu bele reforsa kna'ar ne'ebé funsionáriu sira simu hodi fo atendentu di'ak ba comunidade, atu nune'e nudar funsionáriu hatudu ninia profesionalismu serbisu ho kualidade.



Atu hetan informasaun tan:
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl

Partisipante treinamentu nee hamutuk ema 35 resin, mai husi postu administrativu 65, maioria Fasilitador tékniku ne'ebé servisu iha postu administrativu. Treinamentu refere sei hala'o durante lora sanulu.